

Plenchi

Bèl a bati

TRINGG TRINGGG bèlèm..... TRINGG TRINGGG bèlèm.....Subi nos plenchi pa bo gosa. E dianan aki ta fiesta tin pa tur graduado. Tur anochi kasi tin fiesta e siman aki i otro siman. Hobennan kontentu wardando e gran dia pa nan por bai dilanti pa risibi nan diploma bon meresí. Esnan ku tin her ainda ta karga speransa di tende si nan tambe a logra nan meta. Pabien na tur hóben ku boso logro i ban pa e siguiente paso den bo bida. Skolnan ta den nan último dianan. Hopi preparashon pa raportnan por Sali, tin ku sa kaba ku nan ta bon para i lo pasa pa siguiente aña. Otronan tin poko tenshon paso nan ta nèt na rant i no sa ainda kiko lo resultá. E rapòrt ta un resultado di bo mes esfuerso. Mayoria di boso tin e yabi denbo man. Natural di otronan ku tin kualke defisiensi ku ta pone ku nan mester traha èkstra duru kompará ku otronan. Anto esei por hasi dolo ora bo sa ku bo a traha duru pero no a logro. Ánimo, no deskurashá, ku perseveransha bo ta logra bo meta sigur.

Not'è riba bòrchi

Regina Pacis durante di resultado di eksamen. Karanan ta bria ku e resultado. Tremendo prestashon. Danki na tur dosente ku a duna nan granito. Pabien.







Den agènda

2 yuli (djadomingu) dia di bandera

7 yuli último dia di skol.

14 i 15 di ougustus 2017 startconferentie pa tur trahado di RKCS

17 di ougustus 2017 promé dia di skol pa hóbennan

Mi ta konta

Kon ta eksitoso

Tarick i Brian a gradua i a haña trabou mesora na un kompania renobrá. Tur dos ta traha masha duru i ku dedikashon. Despues di 2 aña, Tarick a haña promoshon i a bira hefe di departamentu di benta. Brian a keda hasi benta. Brian tabata hasi máksimo esfuerso den trabou pa logra un promoshon e tambe. Despues di 3 aña ainda nada, Brian a disidí di bai papia ku e direktor i spliké ku e ta bai tuma su retiro, mirando ku su trabou duru no ta wordu balorá.

E direktor tabata konsiente ku Brian tabata un bon trahadó i el a disidí di duné un enkargó.

“Brian bai pami na marshe i bai wak kuantu hende ta bende patia. “ Brian a bai i a regresá ku e kontestá:” Un persona ta bende patia”.

E direktor a bisé:”Kiko ta e preis pa kilo?”

Brian a bolbe sali bin bek ku e kontestá: “12 florin pa kilo”

E direktor a hisa telefon i yama Tarick. “Tarick bai wak pami kuantu hende na marshe ta bende patia.”

Tarick e regresá ku e siguiente kontesta:”Un persona so ta bende patia. E preis ta 12 florin pa kilo, 100 florin pa 10 kilo. E persona tin 10 patia. Riba mesa e tin 5 i sobrá den su pickup. Kada patia ta pisa mas o menos 15 kilo. Tur ta di su mes kunuku. E patianan ta di bon kalidat.” Brian a keda impreshoná i a komprondé mesora e diferensha entre e ku Tarick. El a disidí di no kita for di trabou pero siña di Tarick. E lès di e kuenta aki ta ku personanan eksitoso ta opservá mas mihó, ta mas profundu den nan pensamentu. Un persona ku èksito ta wak mas aleu ku awe òf mañan. E diferensha entre un dia i un aña ta 365 dia, pues ta un gran diferensha.

Un prechi

J.F. Kennedy ta yama danki na 2 yufrou ku ta bai ku penshun.

Yufrou Joan ta baha ku penshun despues di 42 aña den enseñansa. El a siña e muchanan masha hopi di obra di man. Aki bo por mira algun di e obranan. Danki yufrou Joan.

Yufrou Gwen tambe ta bai ku penshun despues di 35 aña den enseñansa.

Yufrou Gwen tambe lo hasi hopi falta, especialmente riba djaluna ku skol ta bai misa. Danki yufrou Gwen i tur kos bon.





Mucha djispou

**Algunas personas
causan felicidad a
donde van; otras,
cuando se van**

Oscar Wilde



Android